

# ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ

## ՀԱՅՏԱՐԱՐՈՒԹՅՈՒՆ

### ԲՈՂՈՔԻ ՆԵՐԿԱՅԱՑՄԱՆ ՎԵՐԱԲԵՐՅԱԼ

**Բողոքի ծածկագիրը և ամսաթիվը՝** ԳԲՔԱ-ԼՕ-2020/76, 26.06.2020թ.

**Բողոք բերող անձ՝** «Արարատ-Ճանշին» ՍՊԸ

**Պատվիրատու՝** ՀՀ տարածքային կառավարման և ենթակառուցվածքների նախարարություն

**Գնման ընթացակարգի ծածկագիրը՝** «ՏԿԵՆ-ՀԲՄԱՇՁԲ-2020/11Շ» հրատապ բաց մրցույթ

**Գնման առարկան՝** Ավտոճանապարհի միջին նորոգման աշխատանքների ձեռքբերում

**Բողոքի պահանջը՝** Պարտավորեցնել

1. «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովին ընդունել որոշում «ԱԱԲ ՊՐՈԵԿՏ» ՍՊԸ-ին ընթացակարգի 3-րդ չափաբաժնի մասով 1-ին տեղ զբաղեցնող և ընտրված մասնակից ճանաչելու մասին որոշումը դադարեցնելու վերաբերյալ,

2. «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովին ընդունել որոշում ընթացակարգի 3-րդ չափաբաժնի մասով գների շուրջ միաժամանակյա նոր բանակցություններ հրավիրելու և անցկացնելու վերաբերյալ:

**ԳՆՈՒՄՆԵՐԻ ՀԵՏ ԿԱՊՎԱԾ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ**

**ՔԱՐՏՈՒՂԱՐ՝ Լ. ԱՆԱՆԻԿՅԱՆ**

**Նիստերին կարելի է առցանց հետևել** <https://www.e-gov.am/gnumner/> **հղումով.**

Տեղեկացնում ենք, որ «Գնումների մասին» ՀՀ օրենքի՝

- 50-րդ հոդվածի 10-րդ մասի համաձայն՝ յուրաքանչյուր անձ, որի շահերը խախտվել են կամ կարող են խախտվել բողոքարկման հիմք ծառայած գործողությունների արդյունքում, իրավունք ունի մասնակցելու բողոքարկման ընթացակարգին՝ մինչև բողոքի վերաբերյալ որոշում ընդունելու ժամկետը գնումների հետ կապված բողոքներ քննող անձին ներկայացնելով համանման բողոք: Նույն հոդվածի համաձայն՝ բողոքարկման ընթացակարգին չմասնակցած անձը զրկվում է գնումների հետ կապված բողոքներ քննող անձին համանման բողոք ներկայացնելու իրավունքից,
- 51-րդ հոդվածի 1-ին մասի համաձայն՝ գնումների հետ կապված բողոքներ քննող անձին ներկայացված բողոքն ինքնաբերաբար կասեցնում է գնման գործընթացը՝ նույն օրենքի 50-րդ հոդվածի 9-րդ մասով նախատեսված հայտարարությունը հրապարակվելու օրվանից մինչև բողոքարկման վերաբերյալ ընդունված որոշման՝ տեղեկագրում հրապարակման օրը ներառյալ:

## **ՀՀ գնումների հետ կապված բողոքներ քննող անձին**

**Բողոք բերող՝ «ԱՐԱՐԱՏ-ՃԱՆՇԻՆ» ՍՊԸ**  
(տնօրեն Ստեփան Վարդանյան, անձն՝ AN 0398499, տրված 06.03.2013թ., 001-ի կողմից)  
Հասցե՝ ՀՀ, Արարատի մարզ, գ. Ավշար  
Հեռ.՝ (+374) 60 523 275  
Էլ. փոստ՝ [araratkanshin@gmail.com](mailto:araratkanshin@gmail.com)

**Պատվիրատու՝ ՀՀ տարածքային կառավարման և ենթակառուցվածքների նախարարություն**  
Հասցե՝ ՀՀ, ք. Երևան, Հանրապետության հրապարակ, Գառավարման տուն 3  
Հեռ.՝ (010) 511 334  
Էլ. փոստ՝ [mta@mta.gov.am](mailto:mta@mta.gov.am), [arpin.karapetyan@gmail.com](mailto:arpin.karapetyan@gmail.com)

**Գնման ընթացակարգի ծածկագիրը և առարկան՝**  
ՀՀ տարածքային կառավարման և ենթակառուցվածքների նախարարության կողմից վերջինիս կարիքների համար ավտոճանապարհների միջին նորոգման աշխատանքների ձեռքբերման նպատակով թիվ «ՏԿԵՆ-ՀԲՄԱՇՁԲ-2020/11Ծ» ծածկագրով ընթացակարգ

### **Բ Ո Ղ Ո Ք**

#### **• Գործի հակիրճ նկարագրությունը և բողոքի փաստերը**

✓ ՀՀ տարածքային կառավարման և ենթակառուցվածքների նախարարության կողմից վերջինիս կարիքների համար ավտոճանապարհների միջին նորոգման աշխատանքների ձեռքբերման նպատակով հայտարարվել է թիվ «ՏԿԵՆ-ՀԲՄԱՇՁԲ-2020/11Ծ» ծածկագրով ընթացակարգ /այսուհետև նան՝ Ընթացակարգ/:

✓ Նշված Ընթացակարգը հայտարարվել է «Գնումների մասին» ՀՀ օրենքի 15-րդ հոդվածի 6-րդ կետի հիման վրա:

✓ Վերոհիշյալ ընթացակարգի 3-րդ չափաբաժնի մասով, ի թիվս 9 այլ մասնակիցների, մասնակցության հայտ են ներկայացրել «ԱՐԱՐԱՏ-ՃԱՆՇԻՆ» ՍՊԸ-ն և «ԱԱԲ ՊՐՈՆԵԿՏ» ՍՊԸ-ն:

✓ 18.06.2020թ. ժամը 11:00 հրավիրվել է գների շուրջ միաժամանակյա բանակցություններ:

✓ Տվյալ ընթացակարգի շրջանակներում 3-րդ չափաբաժնի մասով, բանակցությունների փուլում որպես նվազեցված գին «ԱԱԲ ՊՐՈՆԵԿՏ» ՍՊԸ-ի կողմից առաջարկվել է 944 000 000 ՀՀ դրամ գնային առաջարկ:

✓ Բանակցությունների մյուս մասնակիցները՝ «ԱՐԱՐԱՏ-ՃԱՆՇԻՆ» ՍՊԸ-ի, «Ճանապարհ» ՍՊԸ-ի և «Կապավոր» ՍՊԸ-ի ներկայացուցիչները բանակցության ընթացքում «ԱԱԲ ՊՐՈՆԵԿՏ» ՍՊԸ-ից հստակեցրեցին, թե արդյոք «ԱԱԲ ՊՐՈՆԵԿՏ» ՍՊԸ-ից կողմից որպես վերջնական գնային առաջարկ առաջարկվում է **944 000 000 ՀՀ դրամ**ը:

✓ «ԱԱԲ ՊՐՈՆԵԿՏ» ՍՊԸ-ից որպես նվազեցված գին՝ **944 000 000 ՀՀ դրամ** գնային առաջարկը հաստատելուց հետո որևէ այլ մասնակից այլ նավեզված գնային առաջարկ չներկայացրեց:

✓ Այնուհետև, 18.06.2020թ. ժամը 19:02 [www.gnumner.am](http://www.gnumner.am) կայքում հրապարակվել է «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի արձանագրությունը, որտեղ նշվել է, որ բանակցությունների արդյունքում «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին առաջարկվել է **944 000 000 ՀՀ դրամ** գնային առաջարկ:

✓ Նույն օրը, 18.06.2020թ., [www.gnumner.am](http://www.gnumner.am) կայքում հրապարակվել է «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի *շտկված* արձանագրությունը, որտեղ նշվել է, որ բանակցությունների արդյունքում «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին արդեն առաջարկվել է **944 900 000 ՀՀ դրամ** գնային առաջարկ (տարբերությունը՝ 990 000 ՀՀ դրամ ավել):

✓ Ծանոթանալով շտկված արձանագրությանը և «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին ֆիքսված **944 900 000 ՀՀ դրամ**ը, 19.06.2020թ. «ԱՐԱՐԱՏ-ՃԱՆՇԻՆ» ՍՊԸ-ն, «Ճանապարհ» ՍՊԸ-ն և «Կապավոր» ՍՊԸ-ն գրավոր պաշտոնապես դիմեցին ՀՀ տարածքային կառավարման և ենթակառուցվածքների նախարարությանը (գրության պատճենները կցվում են)՝ հայտնելով, որ 3-րդ չափաբաժնի մասով «ԱԱԲ ՊՐՈՆԵԿՏ» ՍՊԸ-ից կողմից որպես վերջնական գնային առաջարկ առաջարկվել է **944 000 000 ՀՀ դրամ**ը, սակայն արձանագրությունում ֆիքսվել է **944 990 000 ՀՀ դրամ**ը: Նշվածի վերաբերյալ ՍՊԸ-ները խնդրեցին խնդրին ընթացք տալ և բացառել թույլ տված խախտումը:

✓ Նշված ոչ մի գրությանը պատասխան չստացվեց:

✓ «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի կողմից 18.06.2020թ. ընդունվեց պայմանագիր կնքելու մասին որոշում, հայտարարությունը նույն օրը հրապարակվեց [www.gnumner.am](http://www.gnumner.am) կայքում և սահմանվեց անգործության ժամկետ՝ 10 օրացուցային օր:

• *Բողոքի իրավական հիմքերը և հիմնավորումները.*

«Գնումների մասին» ՀՀ օրենքի (այսուհետ՝ նաև Օրենք) 3-րդ հոդվածի 1-ին մասի 2-րդ կետի համաձայն՝ օրենքի նպատակն է ապահովել գնումների գործընթացում հատուցման դիմաց արժեք, այն է գնումների և գնումների գործընթացի տնտեսող, արդյունավետ և օգտավետ իրականացում:

Սույն հոդվածի 2-րդ մասի համաձայն՝ գնումների գործընթացը հիմնվում է հետևյալ սկզբունքների վրա.

1) գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպում.

2) պայմանագրի կնքման նպատակով մասնակիցների շրջանակի ընդլայնում և նրանց միջև մրցակցության խրախուսում.

3) ցանկացած անձի համար, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, գնման գործընթացին մասնակցելու իրավահավասարություն:

Օրենքի 7-րդ հոդվածի 1-ին մասի համաձայն՝ ցանկացած անձ, անկախ նրա օտարերկրյա ֆիզիկական անձ, կազմակերպություն կամ քաղաքացիություն չունեցող անձ լինելու հանգամանքից, ունի գնման գործընթացին մասնակցելու հավասար իրավունք:

Հրավերի 8.6. կետի համաձայն՝ հանձնաժողովի, պատվիրատուի և մասնակիցների միջև բանակցություններն արգելվում են, բացառությամբ՝

1) երբ ընթացակարգին մասնակցել է մեկ մասնակից, որի ներկայացրած հայտը համապատասխանում է հրավերի պահանջներին կամ հայտերի գնահատման արդյունքում հրավերի պահանջներին համապատասխան է գնահատվել միայն մեկ մասնակցի հայտ կամ առաջարկված նվազագույն գների հավասարության դեպքում, կամ եթե ոչ գնային պայմանները բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են այդ գնումը կատարելու համար նախատեսված՝ սույն հրավերի 1-ին մասի 8.1 կետի 2-րդ պարբերությամբ նախատեսված ֆինանսական միջոցները կամ գնումն իրականացվում է Օրենքի 15-րդ հոդվածի 6-րդ մասի հիման վրա: Սույն կետի համաձայն վարվող բանակցությունները կարող են հանգեցնել միայն առաջարկված գնի նվազեցմանը կամ վճարման պայմանների փոփոխությանը, իսկ բանակցությունները վարվում են միաժամանակյա՝ բոլոր մասնակիցների հետ:

Հրավերի 8.7-րդ կետի համաձայն՝ հանձնաժողովը հրավերի պահանջների նկատմամբ բավարար գնահատված հայտեր ներկայացրած մասնակիցներից որոշում և հայտարարում է ընտրված և հաջորդաբար տեղեր զբաղեցրած մասնակիցներին: Առաջարկված նվազագույն գների հավասարության դեպքում կամ եթե ոչ գնային պայմաններին բավարարող գնահատված հայտեր ներկայացրած բոլոր մասնակիցների ներկայացրած գնային առաջարկները գերազանցում են սույն ընթացակարգի շրջանակում գնվելիք ծառայությունների գնման հայտով սահմանված գինը կամ գնումն իրականացվում է Օրենքի 15-րդ հոդվածի 6-րդ մասի հիման վրա՝

ա. ընտրված և հաջորդաբար տեղեր զբաղեցրած մասնակիցներին որոշելու նպատակով հանձնաժողովի նիստում առաջարկված գների նվազեցման նպատակով ոչ գնային պայմանները բավարարող գնահատված բոլոր մասնակիցների հետ վարվում են միաժամանակյա բանակցություններ, եթե նիստին ներկա են բոլոր մասնակիցները (համապատասխան լիազորություն ունեցող ներկայացուցիչները),

բ. հակառակ դեպքում հանձնաժողովի նիստը կասեցվում է, և մեկ աշխատանքային օրվա ընթացքում հանձնաժողովի քարտուղարը բավարար գնահատված հայտեր ներկայացրած բոլոր մասնակիցներին համակարգի միջոցով միաժամանակ ծանուցում է գների նվազեցման շուրջ միաժամանակյա բանակցությունների վարման օրվա, ժամի և վայրի մասին,

գ. բանակցությունները վարվում են ոչ շուտ, քան ծանուցումն ուղարկվելու օրվան հաջորդող օրվանից երկրորդ և ոչ ուշ, քան հինգերորդ աշխատանքային օրը,

դ. յուրաքանչյուր մասնակցի՝ սովյալ պահին ներկայացրած գնային առաջարկը հրապարակվում է մյուս մասնակիցների համար, և մինչև բանակցությունների համար նախատեսված վերջնաժամկետի սվարտը մասնակիցը կարող է վերանայել իր գնային առաջարկը,

ե. բանակցությունների համար սահմանված վերջնաժամկետը լրանալու պահին, ըստ դրան ներկա մասնակիցների ներկայացրած գների, որոնք չեն գերազանցում գնման հայտով սահմանված գինը, որոշվում և հայտարարվում են ընտրված և հաջորդաբար տեղերը զբաղեցրած մասնակիցները,

զ. բանակցությունների համար սահմանված վերջնաժամկետը լրանալու պահին, եթե դրան ներկա մասնակիցների ներկայացրած գները գերազանցում են գնման հայտով սահմանված գինը, ապա գնահատող հանձնաժողովը կարող է բանակցությունների արդյունքում ցածր գնային առաջարկ ներկայացրած մասնակցին հայտարարել ընտրված մասնակից...:

Ինչպես արդեն նշել ենք, նշված Ընթացակարգի շրջանակներում 18.06.2020թ. ժամը 11:00 հրավիրված գների շուրջ միաժամանակյա բանակցությունների ընթացքում 3-րդ չափաբաժնի մասով, բանակցությունների փուլում որպես նվազեցված գին «ԱԱԲ ՊՐՈՆԵԿՏ» ՍՊԸ-ի կողմից առաջարկվել է 944 000 000 ՀՀ դրամ գնային առաջարկ:

Բանակցությունների մյուս մասնակիցները՝ «ԱՐԱՐԱՏ-ՃԱՆՇԻՆ» ՍՊԸ-ի, «Ճանապարհ» ՍՊԸ-ի և «Կապավոր» ՍՊԸ-ի ներկայացուցիչները բանակցության ընթացքում «ԱԱԲ ՊՐՈՆԵԿՏ» ՍՊԸ-ից հստակեցրեցին, թե արդյոք «ԱԱԲ ՊՐՈՆԵԿՏ» ՍՊԸ-ից կողմից որպես վերջնական գնային առաջարկ առաջարկվում է 944 000 000 ՀՀ դրամը, որը հաստատվեց վերջինիս կողմից:

Բողոքներ քննող անձին խնդրում ենք նկատի ունենալ, որ «ԱԱԲ ՊՐՈՆԵԿՏ» ՍՊԸ-ից որպես նվազեցված գին «944 000 000 ՀՀ դրամ գնային առաջարկը հաստատելուց հետո որևէ այլ մասնակից այլ նավեզված գնային առաջարկ չներկայացրեց:

Այնուհետև, 18.06.2020թ. ժամը 19:02 [www.gnumner.am](http://www.gnumner.am) կայքում հրապարակվել է ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի արձանագրությունը, որտեղ նշվել է, որ բանակցությունների արդյունքում «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին առաջարկվել է 944 000 000 ՀՀ դրամ գնային առաջարկ:

Սակայն անհասկանալի պայմաններում նույն օրը, 18.06.2020թ., [www.gnumner.am](http://www.gnumner.am) կայքում հրապարակվում է «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի *շտկված* արձանագրությունը, որտեղ նշվում է, որ բանակցությունների արդյունքում «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին արդեն առաջարկվել է ոչ թե է 944 000 000 ՀՀ դրամ, այլ 944 990 000 ՀՀ դրամ գնային առաջարկ (տարբերությունը՝ 990 000 ՀՀ դրամ ավել):

Հատկանշական է, որ ծանոթանալով շտկված արձանագրությանը և «ԱԱԲ ՊՐՈՆԵԿՏ» ՍՊԸ-ի կողմից 3-րդ չափաբաժնի մասով որպես նվազեցված գին ֆիքսված 944 000 000 ՀՀ դրամը, 19.06.2020թ. «ԱՐԱՐԱՏ-ՃԱՆՇԻՆ» ՍՊԸ-ն, «Ճանապարհ» ՍՊԸ-ն և «Կապավոր» ՍՊԸ-ն գրավոր պաշտոնապես դիմեցին ՀՀ տարածքային կառավարման և ենթակառուցվածքների նախարարությանը (գրության պատճենները կցվում են)՝ հայտնելով, որ 3-րդ չափաբաժնի մասով արդյոք «ԱԱԲ ՊՐՈՆԵԿՏ» ՍՊԸ-ից կողմից որպես վերջնական գնային առաջարկ առաջարկվել է 944 000 000 ՀՀ դրամը, սակայն արձանագրությունում ֆիքսվել է 944 990 000 ՀՀ դրամը: Նշվածի վերաբերյալ ՍՊԸ-ները խնդրեցին խնդրին ընթացք տալ և բացատրել թույլ տված խախտումը:

*Գնումների հետ կապված բողոքներ քննող անձին խնդրում ենք նկատի ունենալ, որ նշված ոչ մի գրությանը պատասխան չստացվեց: Ավելին, շարունակվում է ընթանալ նշված ընթացակարգով 18.06.2020թ. հայտարարված անգործության ժամկետը:*

Գտնում ենք, որ վերոհիշյալի արդյունքում խախտվել է «Գնումների մասին» ՀՀ օրենքի 2-րդ հոդվածի 2-րդ մասով սահմանված գնման գործընթացի միասնական կանոններով մրցակցային, թափանցիկ, համաչափ, հրապարակային և ոչ խտրական հիմունքներով կազմակերպման, մասնակիցների գնման գործընթացին մասնակցելու իրավահավասարության սկզբունքները, ինչպես նաև Ընթացակարգի հրավերով սահմանված բանակցությունների կազմակերպման կարգը:

Վերոհիշյալ նորմերի խախտումներն իրենց հերթին հանգեցրել են «Գնումների մասին» ՀՀ օրենքի 3-րդ հոդվածի 1-ին մասի 2-րդ կետով սահմանված գնումների և գնումների գործընթացի տևտեսող, արդյունավետ և օգտավետ իրականացման սկզբունքի խախտմանը և ՀՀ պետական բնույթին հասցրել առնվազն 990 000 ՀՀ դրամի վնաս:

*Նշված խախտումը հնարավոր է վերացնել, իսկ վնասը կանխել՝ բացառապես գների շուրջ միաժամանակյա նոր բանակցություններ հրավիրելու եղանակով:*

Օրենքի 50-րդ հոդվածի 7-րդ մասի 1-ին կետի համաձայն՝ ՀՀ գնումների հետ կապված բողոքներ քննող անձն իրավունք ունի պատվիրատուի և գնահատող հանձնաժողովի գործողությունների կամ անգործության վերաբերյալ ընդունելու հետևյալ որոշումները.

- ա. արգելելու կատարել որոշակի գործողություններ և ընդունել որոշումներ,
- բ. պարտավորեցնելու ընդունել համապատասխան որոշումներ, ներառյալ՝ չկայացած հայտարարելու գնման ընթացակարգը, բացառությամբ պայմանագիրը անվավեր ճանաչելու մասին որոշման:

Ելնելով վերոգրյալից՝ ՀՀ գնումների հետ կապված բողոքներ քննող անձին

**Խ Ն Դ Դ Ո Ւ Մ Ե Ս՝**

1. Պարտավորեցնել «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովին ընդունել որոշում «ԱԱԲ ՊԴՈՇԿՏ» ՄՊԸ-ին ընթացակարգի 3-րդ չափաբաժնի մասով 1-ին տեղ զբաղեցնող և ընտրված մասնակից ճանաչելու մասին որոշումը դադարեցնելու վերաբերյալ:

2. Պարտավորեցնել «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող



հանձնաժողովին ընդունել որոշում ընթացակարգի 3-րդ չափաբաժնի մասով գների շուրջ միաժամանակյա նոր բանակցություններ հրավիրելու և անցկացնելու վերաբերյալ:

*Կից ներկայացվում*

1. Պետական տուրքի վճարման անդորրագիրը:
2. «ԱՐԱՐԱՏ-ՃԱՆՇԻՆ» ՍՊԸ-ը պետական գրանցման վկայականի թիվ 010 ներդիրի պատճեն:
3. «ԱՐԱՐԱՏ-ՃԱՆՇԻՆ» ՍՊԸ-ի տնօրեն Ստեփան Վարդանյանի անձնագրի պատճեն:
4. «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի արձանագրության պատճեն:
5. «ՏԿԵՆ-ՀԲՄԱՇՁԲ-2020/11Շ» ծածկագրով ընթացակարգի գնահատող հանձնաժողովի 18.06.2020թ. նիստի շտկված արձանագրության պատճեն:
6. «ԱՐԱՐԱՏ-ՃԱՆՇԻՆ» ՍՊԸ-ի, «Ճանապարհ» ՍՊԸ-ի և «Կապավոր» ՍՊԸ-ի 19.06.2020թ. գրությունների պատճենները:

Առդիր՝ 12 թերթ:

Հարգանքով՝

«ԱՐԱՐԱՏ-ՃԱՆՇԻՆ» ՍՊԸ-ի տնօրեն \_\_\_\_\_ Ս. Վարդանյան



26.06.2020թ.